



იმისთანა წმინდა საძმომი, ბოგბილ ბეჭე-
უძი სიფყვას, ფუთილებით და ჭბებით ბუბ-
თის გაფანა ყულა უჯარბინბბაჭ უსამაგლესია.

ბაგორდის 1918 წლის
25 ივლისიდან

რეპრეზენტატივა

სუთშაბათი, 20 იანვარი. 2022 წ. №11 (9349) ელ.ფოსტა: sakresp@mail.ru და sakresp@top.ge ფასი 1 ლარი

300 წლის უმედეგ საქართველო წმინდა მიწაზე ბრუნდება!



მდინარე
იორღანა,
მასხოვრის
ნათლოვის
აღბილი

**ილია გორგიჯანიანი: აღამიანების წინაშე
გრაჰული განსასდელია, მბგრამ
გვასსოვდეს, რომ ღმერთი იცავს ყველას
ამ განსაცდელისგან,** – აღნიშნა პატრიარქმა.

საქართველოს კათოლიკოს-პატრიარქმა ილია მეორემ სამეფოს საკათედრო ტაძრიდან მოქალაქეებს ნათლისღების დღესასწაული მიულოცა. როგორც პატრიარქმა აღნიშნა, ნათლისღება იმდენად დიდი დღესასწაულია, რომ ყველა აღამიანი უნდა ეზიაროს ამ მადლს.

„ქრისტეს მიერ საყვარელო ძმანო და დანო, გილოცავთ ნათლისღების დღესასწაულს. ნათლისღება ქრისტესი უდიდესი დღესასწაულია ქრისტიანულ სამყაროში. იკურთხება წყალი, ნაკურთხი წყალი უნდა იყოს შენარჩუნებული მთელი წლის განმავლობაში. ნათლისღება იმდენად დიდი დღესასწაულია, რომ ყველა აღამიანი უნდა ეზიაროს ამ მადლს. ეს მადლი უნდა მიიღოს ყოველმა აღამიანმა. ნათლისღება არის წმინდა სამეფის დღესასწაული. სმა უფლის, მისი მადლი გარდამოდის ხალხზე და ეს მადლი იცავს ყველა აღამი-



ანს ხილული და უხილავი მტრებისგან. აღამიანების წინაშე მრავალი განსაცდელია, მაგრამ უნდა გვასსოვდეს, რომ ღმერთი იცავს ყველას ამ განსაცდელისგან“.

პატრიარქის თქმით, მოხარულია, რომ სამეფოს საკათედრო ტაძარში წირვას დაესწრო საქართველოს პრემიერ-მინისტრი ირაკლი ლარიბაშვილი. მან პრემიერს მადლობა გადაუხადა და უფლის მფარველობა უსურვა. „ჩვენ მოხარული ვართ, რომ წირვას დაესწრო საქართველოს პრემიერ-მინისტრი. მადლობელი ვართ, ბატონო პრემიერ-მინისტრო, მადლი ღვთისა და წყალობა გფარავდეთ თქვენ“.

სამეფოს საკათედრო ტაძარში საქართველოს პრემიერ-მინისტრმა ირაკლი ლარიბაშვილმა განაცხადა, რომ მდინარე იორღანესთან, მაცხოვრის ნათლობის ადგილის მიმდებარე საქართველოს მიწის ფართობი გადაეცა, სადაც ქართული კულტურის ცენტრი აშენდება.

მასხოვრის ნათლოვის აღბილის მიმდებარე ქართული კულტურის ცენტრი აშენდება

მდინარე იორღანესთან, მაცხოვრის ნათლობის ადგილის მიმდებარე საქართველოს მიწის ფართობი გადაეცა, სადაც ქართული კულტურის ცენტრი აშენდება, – ამის შესახებ საქართველოს პრემიერ-მინისტრმა ირაკლი ლარიბაშვილმა სამეფოს საკათედრო ტაძარში განაცხადა. ირაკლი ლარიბაშვილმა მოსახლეობას ნათლისღების დღესასწაული მიულოცა.

„თქვენს უწმინდესობას, წმინდა სინოდის წევრებს, მოსახლეობას, ყველას გილოცავთ ნათლისღებას. ჩემთვის დიდი პატივია, დღეს ჩვენს მოსახლეობას ვაცნობო ფრიად სასიხარულო ამბავი. შეიძლება ითქვას, რომ დღეს ჩვენ ისტორიული მოვლე-

ნის მონაწილენი ვართ. მისი უდიდებულესობის, იორღანის მეფის, აბდულა მეორისა და მისი უმაღლესობის, პრინც ლაზის მიერ მიღებული გადაწყვეტილებით, საქართველოს გადაეცა მიწა მდინარე იორღანესთან, მაცხოვრის ნათლობის ადგილის მიმდებარე. პატრიარქის კურთხევით, აქ აშენდება ქართული კულტურის ცენტრი.

300 წლის უმედეგ საქართველო ბრუნდება წმინდა მიწაზე. ყველა ქართველისთვის სასიხარულოა ეს მოვლენა, რომელიც შესაძლებელი გახდა საერო და სასულიერო ხელისუფალთა ერთიანი ძალისხმევით. შედეგად, ფასდაუდებელი იყო ჩვენი პატრიარქის, მისი უწმინდესობის ჩართულობა, მისი დიდი საერთაშორისო ავტორიტეტი. ერისა და ბერის ასეთი

ერთიანობა, ყოველთვის არის და იქნება ჩვენი ქვეყნის წინსვლის, განვითარების უმთავრესი წინაპირობა. მადლობას ვუხდით მის უდიდებულესობა მეფე აბდულა მეორეს, მის უმაღლესობა პრინც ლაზის, იერუსალიმის პატრიარქ თეოფილუსს, იორღანის არქივისეკოპოს ქრისტოფორუსს, ჩვენი მთავრობის, საელჩოს თითოეულ თანამშრომელს, ჩვენს ელჩს იორღანაში ზაზა კანდელაკს, ყველას, ვინც ძალისხმევა არ დაიშურა ჩვენს წინაპართა დიდი ტრადიციის გასაგრძელებლად. თითოეულ ქართველ ვულოცავ ამ მნიშვნელოვანი სულიერი და კულტურული ცხოვრების კერის დაარსებას წმინდა მიწაზე. ნათლისღებას გილოცავთ“.

სერბი საჯანია:

სუმრობაში ერის წინგასახელი მინიშნებაა,

ანუ ეროვნულ-სახალსო
ამოგბინვა:

„ნუ წახვალ,
შვილო,
ამერიკაში“!..



ძვეყნის შიდა მტრების განგონად!
თამარ ქიქნაძე:

სააკაშვილის მთელი პოლიტიკა იყო ილიოტობა!

დიდი სახელმწიფოები ვითარების ცვლილებასთან ერთად ბარიგებებს აწარმოებენ და მთავარია, რომ ამ ბარიგების პროცესში ჩვენ ჩვენი აღბილი ვნახოთ... 3



„დაკნვი“

თქვენი სამართალი... 5

ზურაბ ქალაგიძე:
ბიძინა ივანიშვილის
შესახებ სტატიის
ავტორი ოკუპანტია! 5

დიდი მოიდა მტრის ჯარი, გარს შემოგვერტყა ლობედა... ვაჟა-ფშაველა

2021 წლის 28 დეკემბერს აშშ-ის ელჩი საქართველოში და იმავდროულად, როგორც ჩანს, ლიბერალური გადართმობის რეგიონალური ინსტიტუტის, ქალბატონი კელი დეგნანი საქართველოს პარლამენტში ინსტიტუტის წესითა და თითის ქნევით ყოფაცქევით დილაუთენია მიიჭრა, რათა თავისივე სახელმწიფოს მიერ აქ, სახელისუფლებო ბერკეტებთან მედლეურად დაყენებული დესანტისთვის მორიგი ინსტიტუტის ჩატარებინა: მისთვის შემაშფოთებელი და საგანგაშო აღმოჩნდა ის, რომ ამ უკანასკნელმა მის და დაუკითხავად მოისურვილეს სახელმწიფოს ერთი ჩვეულებრივი უწყების რეფორმა. საუბარია სახელმწიფო ინსტიტუტის გარდაქმნა-გაძლიერებაზე, რაც მისი დღევანდელი მესვეურის - ქალბატონი ლინდა თოლორაიასათვის პოლიტიკური დემარშის საფუძველი გახდა - ამის გასწვრივ იგი ჩვენს ქვეყანაში დისლოცირებული ე.წ. არასამთავრობოებისა თუ მათი მსგავსი ლეგალური აგენტურისათვის ძირგამომხრელობის მორიგი საქუდზეკაცო დარაზმულობისთვის საყოველთაო განვევის მიზეზად იქცა.

წინა დღით მან, ღრმად პატივცემულმა ელჩმა, საჯაროდ გააკიცხა ხელისუფლების წინამდებარე ძალისხმევა, ის კი არადა, „პასტიკე სმირნა“ ასმენინა თავისი მითითებები სრულიად საქართველოს და დაუფარავად დაუჭირა მხარი ქვეყნის მგრეველ, ქართველ ერს დაპირისპირებულ საეჭვო დაჯგუფებებს.

ეს კიდევ რაა, როგორც იცით, „საქართველოს ხელისუფლებამ უკან არ დაიხია“ და მიიღო შესაბამისი კანონი. აქედან გამომდინარე, ქალბატონმა კელი დეგნანმა, 2022 წლის 3 იანვარს, იმგვარი ფეხის ბაკუნით დაუცაცხანა ქვეყნის დღევანდელადმინისტრაციას, იმგვარი დაუფარავი გაანჩხლებით უწოდა ამ კანონს სახელმწიფოს გამნადგურებელი და დემოკრატიის დამსამარებელი, მეტიც ლიბერალური „თავისუფლების“ შემფერხებელი, რომ გვეგონებოდა, საქართველოს ცისქვეშეთში თემურ-ლენგის ურდოებმა მიზნობრივად გადაიგრიგალეს შობა-ახალწლის ჩასაშხამებლად.

მეტიც, აშშ-ის ელჩის ნილას ამოფარებული ამ თვითმხილებული ოკუპანტის „შეშფოთებამ“ გამახსენა თავის დროზე კრემლიდან სკკპ ცკ-ის 1956 წლის 10 ივნისის მრისხანე დადგენილება „06 ошибок в работе ЦК КП Грузии“, რომელიც იმასაც კი ითვალისწინებდა, ქართველი ერი ციმბირში გადაესახლებინათ.

ცხადია, ისიც გეხსომებათ, რომ იმავე სკკპ ცკ-ში ცოტა ხანში ისევ გადაგვეჩქემა 1972 წლის 6 მარტის დადგენილება „სკკპ XXIV ყრილობის გადაწყვეტილებათა შესახარულეზლად საქართველოს კომუნისტური პარტიის თბილისის კომიტეტის ორგანიზატორული და პოლიტიკური მუშაობის შესახებ“.

გასაგებია, რომ კრემლიდანური დადგენილებები საქართველოსადმი ველიკოდერჟავნიკობის უმრისხანესი თითის ქნევები გახლდათ, მაგრამ კრემლს ეყო თავშეკავება, იგი საბჭოთა კავშირის მართვის უმაღლეს ორგანოში მიელო და ფარისევლურ „კეთილმოურნეობით“ შეენიღა.

ქალბატონი კელი დეგნანის მიერ გახმოვანებულმა ახალმა ოკუპანტმა ეს საჭიროდ არ ჩათვალა: მან თავის ცუდად გამოძინებულ ელჩს საქართველოსთვის დილაუთენია ათასფეხება ანათემა და გადაშენება.

არადა, დიდი მიხვედრა არ უნდა სჭირდებოდეს იმის გახიგრძეგანებას, რომ ქალბატონი კელის ტონში გაჟღერებულია დამპყრობლის უბოდიშო მითითებები, რომელთაც, დამკვეთის სურვილის შესაბამისად, ღვთისმშობლის წილხვედრილობაში აშშ-ის ნალამოჭედილი ბათინეებით უნდა გაიგამზირონ.

ხმაშალა უნდა ვთქვათ, - კი, ბატონო, კელი დეგნანს აქვს ე.წ. შეშფოთებები და მოითხოვს სიტყვაშეუბრუნებლად დაუგდოს ყური მის თავხედურ თითის ქნევას ქართველმა ერმა, მაგრამ აქედან გამომდინარე, გაცილებით გასაგები და, რაც მთავარია, სამართლიანი აღშფოთებები უჩნდება საქართველოს მოსახლეობას, რასაც ღრმად პატივცემულმა კელი დეგნანმა, თუ ის მართლაც ჩვენი სტრატეგიული მოკავშირე, ვალდებულა გულდადებით, ჩაუსაფრებლად და პატივისცემით დაუგდოს ყური. სხვა შემთხვევაში, პოლიტიკური და საორგანიზაციო დასკვნები, რომლებსაც იგი ანხორციელებს საქართველოში, შეიძლება იყოს კი არა, დიანაც არის და უნდა განიხილებოდეს ტერორისტულ აქტად ქართველი ერის ვინაობის წინააღმდეგ.

ახლა თქვენ შეადარეთ, როდის უფრო ვიგავით დაპყრობილი და ამჟამად ვისი ალვირით მივშლივინებთ უეჭველი ალგვისაკენ.

ცხადია, მე გესაუბრებით იმ ადამიანზე, რომელმაც 2021 წლის 5 ივლისის შემგინებლური მოძრაობის არდამშვებებს მოძალადე უწოდა, ღიად დაუდგა გვერდით ლიბერალისტულ გამრევენლებს და მისი მითითებით დაბატიმრებული საქართველოს ახალგაზრდობის საუკეთესო წარმომადგენელთა „სასამართლოც“ მისმიერი „უხილავი“ მესაჭეობით იმართება.

მიზნობრივად გამოიკუთხატორებულ საზოგადოებაში, სადაც სამშობლოსა თუ სარწმუნოებისადმი, ან კიდევ მოყვასისადმი თავდადება და თავგანწირვა განიხილება „ადამიანის უფლებათა შელახვად“, თანაც ამის გასწვრივ დივერსიული ეთნოფაბრიკაციების აღმგველობა იფუთება ისეთ პოლიტიკურ პაროლებში, როგორიცაა „ვეროკავშირი“, „სტრატეგიული მოკავშირე“, „ვენციის კომისია“, „სახალხო დამცველი“, „დემოკრატია“ და ა.შ. ეს ყველაფერი გახლავთ მიზანმიმართული გადამართებლობა სვლა-

ტეგიული მოკავშირეობით“ გადაჩქევილ საქართველოში ნეხვად არ მივეყარ-მოვეყაროთ ერის ღირსებას!..

...დაბოლოს, აქვე მახსენდება მეოცე საუკუნის ცნობილი მწერალი ნინო ნაკაშიძე, - დღეს საეჭვო ხელგამოღებით მივიწყებული: მას აქვს მაღალმხატვრული პიესა „ვინ არის დამნაშავე?“. - რომელიც მეოცე საუკუნის პირველ ნახევარში საქართველოს არაერთ თეატრში წარმატებით დაიდგა. მისი მიხედვით რეჟისორმა ალ.წუნუნავამ კინოფილმიც კი გადაიღო (1966 წელს იგი ქსოხუმის მასწავლებელთა სახლის დრამატულ კოლექტივში წარმოადგინა საქართველოს სსრ სახალხო არტისტმა ლეო ჭედიამ. მე და ქალბატონ ლამარა კვარაცხელიას, იმხანად სტუდენტებს, მთავარი როლების განსახიერების პატივი გვხვდა).

თითქოს დღევანდელ საქართველოს ასურათხატებს ეს ნაწარმოები: ორიოდე კაპიკისთვის სამშობლოდან უნდა გადაიხვეწო წლობით, აიყარო, ცოლშვილს მოსწყდე, ფეხზე რომ დადგე, ამერიკაში უნდა გადაცხრამთასიქითდე ქართველი კაცი...

ხედავს რა ამ უნებურ და დამლუპველ, დამანგრეველ

როდესაც სახალხო ხუმრობებში უკრის წინგასასხედი მინიშნებაა,



ანუ ეროვნულ-სახალხო ამოგინვა:

„ნუ წახვალ, შვილო, ამერიკაში“!

გებით „დემოკრატიული“ გადაგვარებით - „ცივილიზებული გადაშენებისაკენ“...

ასეთი „სადადამიანო“ ტერმინებით თავსმოხვეული და შენიღბული თავზარი ძალიან ჰგავს იმ მოსამართლის მიერ კორექტულობისკენ მოწოდებას, ყმანვილკაცობისას ერთ ხუმრობაში რომ მომისმენია თელავის რვაასწლოვანი ჭადრის ქვეშ: მიხო ჩვენებს აძლევს სასამართლოს, - ეგრე იყო, ბატონო მოსამართლე. შილდიდანა მოვდიოდი, გავიხედე, წყარო თავზე, დიდყურაანთ თედუასა წამაქცია ჩემი ცოლი და ტ...და...“

მოსამართლემ შეანყვეტინა, - „კულტურულად თქვი, სქესობრივად უკავშირდებოდაო...“ სიმწრის ოფლში გახვითქულმა მიხომ ამოიგინა: „შორიდანა მეც კულტურულად და სქესობრივად მეგონა, მაგრამ ახლო რომ მივედი, მართლაც ტ...დაო!“

მსოფლიოს გამჩინებელი ჩვენც ასე გვექცევა: ის, რაც ჩვენთან დემოკრატიად, ადამიანის უფლების დაცვად, პროგრესად და თავისუფლებად იწოდება, თან ასე დაძალებით გვაჩქევენ, სხვა არაფერია, თუ არა გამწარებული მიხოს ზუსტი შესატყვისი თავისი ღირსების გაბახებაზე.

ამგვარ განუკითხაობაში ქალბატონი კელი დეგნანის უბოდიშო გამოხდომათა საპირწონე ისევ მიხოს სიბრძნეში და წინგახედულეზაშია დასაძებნი: ზის მიხო კუნძთან და ალესიანი ცულთი სარებს აწვეტიანებს. ამ დროს გამოიარა ორმა ახალგაზრდამ, - ვივარაუდოთ, რომ მეოცე საუკუნის გიგა მაქარაშვილებმა და ერთ-ერთი ეუბნება პაპის ტოლას, - ძია, გაღმა უბანში ქორწილში მივდივართ და ეგ ულვაშები მათხოვო...
- შენ ვერა, შვილო, მაგრამ აი, შენს მეგობარს ვათხოვებო.

- მე რატომ არაო? - აღშფოთდა მეოცე საუკუნის გიგა მაქარაშვილი.

- იმიტომ რომ დედაშენისას მიირთმევ და ულვაშები დამეხვერბაო...

ეეე, ჩემო ქართველებო, მიზნობრივი მილევადობისგან თავდასაღწევად როგორ გვჭირდება ახლა ძია მიხოსოღენი გამჭრიახობა, წინგახედულობა და თადარიგი, რათა ამ არამკითხეთა „კეთილმოურნეობითა“ თუ „სტრა-

ხვედრს, ამ ჭერქვეშეთში მთავარი გმირის ბაბუა, მახვშის-დარი კაცი, განწირულის ხავსჩაჭიდებით ეხვეწება შვილიშვილს, - ნუ წახვალ, შვილო, ამერიკაში“...

ამ როლს შემადრწუნებელი ტრაგიზმით თამაშობდა აფხაზეთის ასსრ სახალხო არტისტი, 1903 წელს ქსოხუმში წმინდა ილია მართლის ერთ-ერთი მასპინძელთაგანის შვილიშვილი, დიდებული ხელოვანი და ქალაქის სახე - პროკლე თურქია. დღემდე გულგამსერავად დამივლის სულში მისი სანაინატრძნობო ამობლავლება, - ნუ წახვალ, შვილო, ამერიკაში...“

აქ რომელიმე ლიბერალტი და ძიქვაჩახდილი გიგა მაქარაშვილი შეჩერდება და ახლად მისიორღინებულ კატასავით ამოიკნავლებს, - შე, რუსეთშიო!..

წადი შენი... როდესაც მე რუსისტულ ველიკოდერჟავნიკობას (და არა რუსულ სახალხო სულიერებას) „კოლხური კოშკის“ სწავლებათა შესაბამისად ვეპირწონებოდი, მაშინ მამაშენი ღამის ქოთანამდე დედამისის ხელჩაუკიდებლად ვერ მიდიოდა. აი, ესაა მოცემულობა და მკაფიო სიცხადე.

მიწაწერი: მე, სამშობლოსათვის ნაღვანი კაცი, ვეკითხები საკუთარ ცხვირს იქით ვერგამხედვარე თაობას, ნუთუ ასე შეუძლებელია დაინახოთ ჭაობური „დემოკრატიის“ პოლიტიკური აბრის ქვეშ დასაწყობებული, დედანი შინაარსისგან დაცლილი ქართველი ერი საეთნოდივერსიო ნედლეულად რომ მოიაზრება?!



... და მე, დროის სიავისაგან ნაცემი, მაგრამ ვერ გალახული, დაუზავებლად ვუჭეკაქუხილებ თავსმოხვეულ წინგახედაობას: ნუ წახვალ, შვილო, ამერიკაში.

სერგი (პიორბი) საჯანია
გიორგი შარვაშიძის, ნიკო ნიკოლაძისა და ზვიად გამსახურდიას პრემიების ლაურეატი, უმაღლესი კატეგორიის პედაგოგი, 1992-93 წლების სამამულო ომის ვეტერანი.



„დავნი თქვენი საგარტალი“

შეიღება თამამად იტყვას, რომ ცოლ-ქმარი მესხიშვილები მერაბიშვილის ახლო გარემოცვის და დეკანოიძის უახლოესი ადამიანები არიან და ახლაც სწორედ მისგან იღებენ დავალებებს, შუამავლის მეშვეობით. სწორედ დავით მესხიშვილს აქვს კომუნიკაცია პოლიტიკურ სუბიექტებთან და სწორედ დეკანოიძე ამ პროცესების პოლიტიკური კურატორი „ნაცმოძრაობიდან“. ეს რომ ორგესტრირებუ-

მელიმე მოსამართლის მიერ საბრტესტო პოსტის დადებისთანავე, მას მიენოდეება და იგი ამ პოსტებს ასახავს და აქვეყნებს თავისსავე ფეისბუქ-გვერდზე რამდენიმე წუთში“, – ამბობს ზურაბ ქადაგიძე.

ალექსანდრი, გელა ნიკოლეიშვილი განმარტავს, რომ სასამართლოში მართლმსაჯულების განხორციელების პროცესში არ იგრძნობა მოსამართლეებს შორის არსებულ პოლიტიკური დაპირისპირება და თვლის, რომ პროცესზე ეს არც უნდა იგრძნობოდეს.

„რაც შეეება შეტევას სასამართლოზე, ეს არის მცდელობა იმისა, რომ პოლიტიკაში შეათრიონ სამართალი, ან სამართალს მოახვიონ პოლიტიკა. ეს, რა თქმა უნდა, მიუღებელია. მიშას ის დრო ენატრება, როცა ჯიბეში ჰყავდა ჩასმული სასამართლო და პროკურატურა. მე ვერ ვიტყვი, რომ დღეს აბსოლუტურად თავისუფალია სასამართლო ვეფლანაირი პოლიტიკური გავლენებისგან, მაგრამ ყოველ შემთხვევაში ჩვეულებრივ საქმეებზე ეს არ იგრძნობა, შეიღება იგრძნობოდეს საქმეების 10-5-2 პროცენტზე სადაც არის ხელისუფლების ინტერესი, მაგრამ ის, რომ ტოტალურად როგორც იყო სააკაშვილის დროს, როცა არც სჭირდებოდათ გაფრთხილება, როცა იმათ იცოდნენ, რომ პროკურატურის სიტყვა კანონი უნდა ყოფილიყო. დღეს ასეთი ვითარება არაა. როგორც ჩანს, ეს მდგომარეობა ენატრებათ, ოღონდ თვითონ უნდა იყვნენ პროკურორების როლში და თვითონ უნდა იძლეოდნენ ბრძანებებს. სხვანაირად მათ ვერ წარმოუდგენიათ სასამართლო“, – აღნიშნა გელა ნიკოლეიშვილი.

ა/მ „ყოფილი პოლიტპატიმრები ადამიანების უფლებებისათვის“ ხელმძღვანელი, ნანა კაკაბაძე ამბობს, რომ სასამართლო სისტემა, რომელიც ხელისუფლების ერთ-ერთი განშტოებაა, სწორედ მის ჩამოშლაზე მუშაობს „ნაციონალური მოძრაობა“ და მასთან დაახლოებული მოსამართლეთა კორპუსი, რომლებიც „ქართულმა ოცნებამ“ დატოვა სასამართლო სისტემაში.

„სწორედ ამ ადამიანებს „ნაციონალური მოძრაობა“ იყენებს სახელმწიფოს ჩამოსაშლელად. ამ რეჟიმს სჭირდება გასამართლება, არ სჭირდება შეფასება და სასამართლო პროცესები, იმიტომ რომ აძლევს მინიმალურ სასჯელებს, გამოდიან გარეთ და ისევ იწვევენ სახელმწიფოს წერყვას. ამ ადამიანებს, „ნაციონალური მოძრაობის“ სახეების და ვისაც ჰქონდა პოლიტიკური პასუხისმგებლობა იმ მოვლენებზე, რაც ქვეყანაში ხდებოდა, უნდა აეკრძალოთ საქართველოში პოლიტიკური საქმიანობა. სხვა შემთხვევაში ამათ აქვთ უზარმაზარი ფული, დაფინანსება და კაცმა არ იცის, რომელი სახელმწიფოდან. ასევე არ ჩამოაშორეს ბიზნესს და შესაძლო უამრავი ფული, რასაც იყენებენ არა კონკრეტული პარტიის წინააღმდეგ, არამედ სახელმწიფოს წინააღმდეგ. ამიტომ, ამისი არგაქვება არის დანაშაული. რეჟიმი უნდა გასამართლდეს და ჩამოშორდნენ პოლიტიკას მრავალი წლით“, – აცხადებს ნანა კაკაბაძე.

თამაზ ძარჩავა

საქსოპერასია - მოსამართლეები რიგითი სააკაშვილის და საკუთარი კარიერის გადასარჩენად

სამართლის თვითშეზღუდვას გულისხმობს და მოსამართლე უნდა იყოს დეპოლიტიზებული. მისი თქმით, ეს მოიყვანეს მიზნად და 14 მოსამართლე ცდილობს, ეს გადასწყვეტილება გამოაცხადოს, თითქოს მოსამართლეთა კორპუსის მიმართ ხორციელდება ძალადობა კანონის სახელით.

„სინამდვილეში გრძელდება პროცესი, რომელსაც ჰქვია მცდელობა, რომ სასამართლო სისტემა პოლიტიზებული გახდეს და სხვადასხვა პოლიტიკურმა ჯგუფმა ეს სათავეს დაეყრდნოს. სასამართლო სისტემაში დაიწყო „ნაციონალური მოძრაობის“ პოლიტიკური შეტევა, გააქტიურდა რა ძველი კავშირები მოსამართლეებთან და დაიგეგმა სპეცოპერაცია რიგითი სააკაშვილის და საკუთარი კარიერის გადასარჩენად. მთავარი შემსრულებელი „ნაციონალური მოძრაობის“ და მის ლიდერებთან მეტად დაახლოებული სააპელაციო სასამართლოს მოსამართლე ქეთევან მესხიშვილია, რომლის კანდიდატურა პარლამენტმა არ დაამტკიცა უზენაესი სასამართლოს უფროსი მოსამართლედ. ამის შემდეგ გაბრაზებული მესხიშვილი „ნაციონალური მოძრაობის“ სატელევიზიო იქცა.



ქეთევან მესხიშვილი

მისი მეუღლე დავით მესხიშვილი წინა ხელისუფლების დროს წარმოადგენდა ვანო მერაბიშვილის მაღალჩინოსანს შსს-ში, ჯერ იყო საქართველოს ინტერპოლის ცენტრალური ბიუროს უფროსის მოადგილე 2006-2008 წლებში, ხოლო შემდეგ 2008-2012 წლებში იყო შსს-ს აკადემიის ადმინისტრაციის უფროსი. ამ დროს აკადემიის რექტორი იყო „ნაციონალური მოძრაობის“ ამჟამინდელი ერთ-ერთი ლიდერი ხატია დეკანოიძე. უკვე კრიტიკულ პერიოდში, 2012 წელს დაინიშნა გურჯაანის მუნიციპალიტეტის გამგებლად, იმის გამო, რომ როგორც შსს-ს სანდო კადრს და გამოცდილ ზონდერს, 2012 წლის ოქტომბრის საპარლამენტო არჩევნებისათვის მმართველი პარტიის სასარგებლოდ მოედინა ადმინისტრაციული რესურსების მასივმაღური მობილიზება.

ლი და შეთანხმებული სქემაა, ამას ადასტურებს ის ფაქტიც, რომ, სწორედ ქეთევან მესხიშვილის პირველ საბრტესტო ფეისბუქ-პოსტს მყისიერად, რამდენიმე წუთში ცისიდან გამოესმა უსაბუთო პატივარი სააკაშვილი და მოუწოდა აშშ-ის მთავრობას მოსამართლეებისთვის სანქციების დადებისკენ, რათა გაძლიერებულიყო მეამბოხე მოსამართლეების პოზიციები, რომლებმაც პირველად ხმა ამოიღეს“, – აცხადებს ქადაგიძე.

მისი თქმით, თავის მხრივ მესხიშვილებს ასევე ახლო ურთიერთობა აკავშირებს ქვეყნის შტაბისთან, თინა ბოკუჩავასთან, გიორგი ბოტკოველთან და „ნაციონალური მოძრაობის“ სხვა ლიდერებთან, ასევე სახალხო დამცველ ნინო ლომჯარიასთან, მის მოადგილესთან გიორგი ბურჯანაძესთან.

„საინტერესოა, რომ ქეთევან მესხიშვილის მული, მანანა მესხიშვილი ასევე მოსამართლეა თბილისის საქალაქო სასამართლოში. გარდა ამისა, მოსამართლეა აგრეთვე მათი ნათესავი სათუნა ჯინორია. ცხადია, ეს 2 მოსამართლეც ამ პროტესტს შეუერთდნენ. ანუ რძალ-მულის და მათი ნათესავის კოორდინირებული პროტესტით სასამართლოში ცდილობენ არეულობის შეტანას. თუმცა ნათესავებმა და ოჯახის წევრებმა მოლოდინს არ აჩვენეს. დანარჩენზე – მოგვინებთ. რეალურად აქამდე თუ პარლამენტზე და მთავრობაზე მიდიოდა ზენოლა, ახლა უკვე ცდილობენ, სასამართლოც ჩაითრიონ ამ პოლიტიკურ ქაოსში.

საინტერესოა, რომ ამ მოცემულ ვითარებაში ერთ-ერთი კოორდინატორის როლი უკავია ენ. არასამთავრობო ორგანიზაციის ხელმძღვანელს გიორგი მშვენიერაძეს და მის მეუღლეს გვანცა წულუკიძეს, რომელიც ამავე ორგანიზაციაში მუშაობს. მშვენიერაძე და ქეთევან მესხიშვილი სრულ კოორდინაციაში არიან და პოლიტიკურ მესიჯებს სწორედ მშვენიერაძე უზოგანებს ფეისბუქის მეშვეობით. მშვენიერაძე და მისი მეუღლე გვანცა წულუკიძე აჯანყების ტექნიკურ უზრუნველყოფაშია ჩართული. მყისიერად რო-

შალვა აბაშაშვილის შეფასებით, სასამართლოზე შეტევა ტრადიციულად, მაგრამ უფრო დაბალი დონეა ინდივიდუალურად შეტევა მოსამართლის წინააღმდეგ, რაც მიუღებელია, განსაკუთრებით ყოფილი პრეზიდენტის მხრიდან.

„ადამიანების წინააღმდეგ თუნდაც სიტყვიერი შეტევა გახლავთ დემოკრატიულ პროცესებში გაურკვევლობა და ჩვეულებრივი მონადევა, რომ სდებოდეს ადამიანის ღირსების შელახვა ან მისი შურაცხყოფა. მსგავსი მონადევები პოლიტიკოსების თუ საზოგადოებრივად აქტიური პირების მხრიდან შემდეგ ინსპირირებას უკეთებს იმას, რომ მხარდამჭერებმა ასეთი რეაქცია გამოხატონ, რაც ჩვენი ქვეყნის სამშუნარო გამოწვევაა. ამის შედეგად ხდება ტემპერატურის აწევა საზოგადოებაში და სხვადასხვა აგრესიული გამოვლინება. სასამართლოს წინააღმდეგ შეტევა აბსოლუტურად მიუღებელია. განსაკუთრებით მიუღებელია, როდესაც შეტევა ხდება ინდივიდუალურად, მოსამართლეების წინააღმდეგ.“

როგორც ცნობილია, თბილისის საქალაქო სასამართლოში პროცესზე მიხეილ სააკაშვილმა მოსამართლეს შემდეგი სიტყვებით მიმართა: „თქვენ ისეთი სასამართლო ხართ, რომორც მე ვარ ასტრონომში. ის დროა, რომელიც თქვენ უკან არის, ჩემი გაკეთებულია; მე სააკაშვილი, რომელიც ჩემი დამდგომია“, – სააკაშვილმა ეს განაცხადება მას შემდეგ გააკეთა, რაც მოსამართლემ მიმართა, რომ პატივი ეცა სასამართლოსთვის და საუბრის დროს მიემართა მოსამართლისთვის და არა დარბაზში მყოფი პირებისთვის.

მცხ-საპიკარის გია ვოლსკის განცხადებით, გააფრთხილებული შეტევა მიმდინარეობს იმ მიმართულებით, რასაც სააკაშვილის გეგმის რეალიზაცია ჰქვია და ამ გეგმაში გაერთიანებულია მოსამართლეთა გარკვეული რაოდენობაც. მისი თქმით, მათი ერთ-ერთი ხელმძღვანელი არის ყოფილი მაღალჩინოსანის შს სამინისტროს თანამშრომლის მეუღლე.

„მიდის მუდმივი მუშაობა, რომ სასამართლოშიც როგორმე შემოიტანონ ისეთი ტენდენცია, რასაც ჰქვია ამ სიტემის პოლიტიზაცია. „შავი სიების“ შედგენა და ამ სიაში მოსამართლეთა ჩაწერა, რომლებმაც სააკაშვილის გაგებით აწყინეს „ნაციონალური მოძრაობის“, არის კიდევ ერთი დამაბნელებელი ამორალურობისა, რომელსაც მოსამართლეთა გარკვეული ჯგუფი მიმყვება“, – განაცხადა გია ვოლსკიმ.

რადიკალური ოპოზიციის მხრიდან გრძელდება პოლიტიკურ პროცესებში ისეთი სერიოზული სახელმწიფო ინსტიტუტის ჩათრევა, როგორც სასამართლო ხელისუფლება. ამის შესახებ საუბრობს ანალიტიკოსი ზურაბ ქადაგიძე, რომლის თქმითაც, ბანალური თემა მოიფიქრეს ახლა, რომ რამენაირად მოსამართლეთა მიმართ, რაც 2021 წელს მიიღო საკანონმდებლო ორგანომ, როდესაც მოსამართლეს ეზღუდებოდა პოლიტიკური განცხადებისა და პოლიტიკური შინაარსის შემცველი წინადადების საჯაროდ გამოხატვა, რაც თავისდაუნებურად მო-

ზურაბ ქადაგიძე: ბიძინა ივანიშვილის შესახებ სტატიის ავტორი ოკუპანტია!

ბიძინა ივანიშვილის შესახებ შეგვეთილი სტატიის ავტორი მოსკოვში მცხოვრები რუსი ჟურნალისტი, ვინმე ივან ნეჩეპურენკოა, ეს კაცი ბევრჯერაა შემწეული პროდასავლელი პოლიტიკოსების მიმართ დეზინფორმაციული ინფორმაციის გავრცელებაში, ყველაზე მნიშვნელოვანი კი ის არის, რომ მას დარღვეული აქვს კანონი ოკუპაციის შესახებ და პირდაპირ აღიარებს აფხაზეთის დამოუკიდებლობას, – ამის შესახებ პოლიტიკოსი ზურაბ ქადაგიძე სოციალურ ქსელში წერს. „ორი დღეა, ხბოს ალტერნატივები გააკვივან ნაცების სამარცხვინო ტელევიზიები, აქაოდა ბიძინა ივანიშვილზე უცხოურ მედიაში კრიტიკული სტატია დაიწერაო. გააკვივან, მაგრამ არაფერს ამბობენ სტატიის ავტორზე. პოდა რადგან თქვენ სიმართლის თქმა არ გსურთ საზოგადოე-

ბისთვის, ახლა მე მომისმინეთ. აი მაგ შეგვეთილი სტატიის ავტორი მოსკოვში მცხოვრები რუსი ჟურნალისტი, ვინმე ივან ნეჩეპურენკოა. ეს კაცი ბევრჯერაა შემწეული პროდასავლელი პოლიტიკოსების მიმართ დეზინფორმაციის გავრცელებაში, მაგრამ ამაზე მოგვიანებით. ყველაზე მნიშვნელოვანი კი ის არის, რომ მას დარღვეული აქვს კანონი ოკუპაციის შესახებ და პირდაპირ აღიარებს აფხაზეთის დამოუკიდებლობას. „ნაცებო“ და „ნაც ტელევიზიები“, სირცხვილი და სინდისი რომ არ გაქვთ და მუდამ რუსულ საქმეს ემსახურებოდით და ემსახურებით, ვე ვეღვათ კარგად იცის, მაგრამ ფორმალურად მაინც შეინარჩუნეთ სახე და სტატია მაინც დაუკვეთეთ ისეთ ადამიანს, ოკუპანტი და ჩვენი ქვეყნის მამაგებელი რომ არ იყოს! – წერს ქადაგიძე Facebook-ზე.

© პეკინი-2022

ბილეთები არ გაიყიდა



პეკინი-2022-ის საორგანიზაციო კომიტეტის განცხადებით, ჩინეთში COVID-19-ის ლოკალური ახალი აფეთქებების გამო პეკინის ზამთრის ოლიმპიურ თამაშებზე დასასწრები ბილეთები არ გაიყიდა – მათ მაყურებელთა გარკვეულ ჯგუფებში გადაიწილეს.

სექტემბრის ბოლოს საერთაშორისო ოლიმპიურმა კომიტეტმა (IOC) განაცხადა, რომ პეკინის ოლიმპიური და პარალიმპიური თამაშების ბილეთები მხოლოდ ჩინეთში მცხოვრები გულშემატკივრებისთვის იქნებოდა ხელმისაწვდომი.

„იმის გათვალისწინებით, რომ ეპიდემიაზე კონტროლის და პროფილაქტიკის სფეროში შექმნილი მდგომარეობა სერიოზულია, ოლიმპიური თამაშების მონაწილეთა და მაყურებელთა ჯანმრთელობისა და უსაფრთხოების უზრუნველსაყოფად გადაწყდა ბილეთების გა-

ყიდვის თავდაპირველ გეგმაში ცვლილებების შეტანა და მაყურებელთა გარკვეულ ჯგუფზე მათი გადაწილება,“ – აცხადებს პეკინი-2022-ის საორგანიზაციო კომიტეტი. აღნიშნულია, რომ ისინი, ვისაც ტრიბუნებზე დაუშვებენ, ვალდებული იქნებიან მკაცრად დაცვან ყველა ეპიდემიოლოგიური მოთხოვნა შეჯიბრების დანწყობამდე, მისი მსვლელობისას და მისი დასრულების შემდეგ, რათა ასპარეზობათა მშვიდად ჩატარების შესაძლებლობა იყოს უზრუნველყოფილი.

ამსტერდამში 2022 წლის პეკინის ზამთრის ოლიმპიური თამაშების სამთო მოთხილამურეთა შეჯიბრებაში მონაწილეობის უფლება მოიპოვეს ქართველმა სპორტსმენებმა – ნინო წიკლაშვილმა და სოსო ჯაფარიძემ.

ნიკლაშვილისთვის ეს იქნება მეოთხე ოლიმპიური თამაშები, ჯაფარიძემ კი პირველად აიღო ოლიმპიური ლიცენზია. ზამთრის XXIV ოლიმპიურ თამაშებს ჩინეთის დედაქალაქი პეკინი 4-20 თებერვალს უმასპინძლებს. ნინო წიკლაშვილი 7-9 თებერვალს ისპარეზებს, სოსო ჯაფარიძე – 13-16 თებერვალს. რამდენიმე დღის წინათ პეკინის ზამთრის ოლიმ-



პიურ თამაშებზე ასპარეზობის უფლება მოიპოვა მოციგავე საბა ქუმარიტაშვილმა.

შეგახსენებთ, რომ უფრო ადრე პეკინი-2022-ის ლიცენზიანტები გახდნენ საქართველოს მოციგურავეები, რომლებიც თამაშებზე ოთხივე დისციპლინაში გამოვლენ (ერთეულთა თანრიგი – ქალები, კაცები; სპორტული წყვილები; სპორტული ცეკვები). გარდა ამისა, მსოფლიო რეიტინგის მიხედვით, საქართველო მოხვდა იმ 10 საუკეთესო ქვეყანას შორის, რომლებიც ფიგურულ სრიალში გუნდური ოლიმპიური მედლებისთვის იბრძობდნენ.

© მემორიალი

ჩეხოსლოვაქია XVII გაელვება

ძარბაზი ოლიმპიური ჩემპიონების – ზურაბ საპანდელიძისა და მინაილ ძორძის მემორიალი 20-25 იანვარს გაიმართება. აღნიშნული ტურნირი ტრადიციულია, 2006 წლიდან ტარდება და წელს იგი მე-17-ედ გათამაშდება. მემორიალი დედაქალაქში დაიწყო, სადაც ჯგუფური ეტაპის მატჩები და ნახევარფინალები ჩატარდება, ხოლო ფინალს, ტრადიციულად, ზურაბ საპანდელიძისა და მინაილ ძორძის მშობლიური ქალაქი ქუთაისი უმასპინძლებს.



თაისია“, რომელმაც 2021 წლის 24 იანვარს ფინალურ მატჩში „ვერა“ დაამარცხა. მთლიანობაში ქუთაისელებს საკანდედიძისა და ქორქიას მემორიალი ოთხჯერ აქვთ მოგებული.

ჯგუფური ეტაპის მატჩები (20, 21 და 22 იანვარი) და ნახევარფინალები (23 იანვარი) თბილისის ოლიმპიურ სასახლეში გაიმართება. ნახევარფინალის საგზურებს თითოეული ჯგუფის გამარჯვებული მოიპოვებს. ფინალურ მატჩს ქუთაისის სპორტის სასახლე 25 იანვარს 15 საათზე უმასპინძლებს.

© ტენდენცია

შოთა თევზაქაშ, საბა აბულაშვილი

მსოფლიო რაგბიმ 2022 წლის ექვსი ერის მატჩების სამსაჯოდ კიდევ ორი ქართველი რეფერი მიიწვია. შოთა თევზაქაშ და საბა აბულაშვილი 20-წლამდელთა ტურნირის ორ-ორ თამაშზე იმუშავენ – აქედან ერთში, თევზაქე მოედნის მსაჯი იქნება.

მანამდე, 19 თებერვალს, 27 წლის არბიტრი რაგბი ევროპის „ალაფაზე“ შაიდელბერგში გერმანიისა და ბელგიის ჯახს გაუძღვება. ამ გუნდების დაპირისპირება პრინციპული გამოირჩევა და სასიამოვნოა, რომ რთული

შეხვედრის მსაჯობა ქართველ რეფერის ანდეს. შოთა თევზაქაშს ქართველი თანაშემწეები ეყოლებიან, რომელთა ვინაობა უახლოეს მომავალში გახდება ცნობილი.

მთავარი მოვლენა 10 მარტსა ჩინეთში იქნება. 20-წლამდელთა ექვსი ერის მეოთხე ტურში უელსი საფრანგეთს უმასპინძლებს და მოედნის მსაჯი შოთა თევზაქე იქნება, საბა აბულაშვილი კი მას კიდიდან დაეხმარება. მეხუთე ტურში, 20 მარტს, ირლანდია შოტლანდიას ეთამაშება და თევზაქე და აბულაშვილი გვერდითი მსაჯები იქნებიან.

საგულისხმოა, რომ მსოფლიო რაგბი 20-წლამდელთა ტურნირებს, მათ შორის ექვს ერს განვითარების ჩრილში უყურებს როგორც მოთამაშეების, ასევე მატჩის ოფიციალური პირების კუთხით. ყველა მსაჯი, რომელიც ამ ტურნირზეა მიწვეული, სამომავლოდ უფრო მაღალ დონეზე მოიხარება და ქართველი მსაჯებისთვის ესაა შანსი, დაამტკიცონ საკუთარი შესაძლებლობები და განვითარების გზაზე კიდევ უფრო წაინიონ წინ.



© მორალი



ლიანა ჯორჯუა: „...სხული გაყიდა“

MMA-ს ქართველი მებრძოლი ქალი ლიანა ჯორჯუა საყოველთაოდ აღიარებულია, როგორც

სპორტის ამ სახეობაში მოღვაწე ასულთაგან ერთ-ერთი ყველაზე თვალსაჩინო და სექსუალური ქალი, თუმცა ეს აღიარება თავად სპორტსმენს სწორ შემთხვევაში ძალიან არ მოსწონს და შეიძლება ითქვას, რომ ხელსაც უშლის.

ცოტა ხნის წინათ ლიანას დადებული კონტრაქტი ამოწურა და როგორც თავად სპორტსმენი ამბობს, ეს ამბავი გახდა მისი, როგორც ლამაზი ქალის დაბუღინების მიზეზი. ზოგიერთი მამრი სოციალურ ქსელში წერს, რომ დადგა დრო, როდესაც ლიანამ სპორტს თავი უნდა დაანებოს და საკუთარი ლამაზი სხეული „სათანადოდ“ გამოიყენოს.

„მას შემდეგ, რაც UFC-სთან კონტრაქტი ამოწურა, ხალხს სხვადასხვა რაღაცას მწერდა. ფაქტობრივად, მეუბნებოდნენ, რომ სხვა არაფერი გამომივა და სხული გაყიდა... წავიკითხე და შოკში ჩავვარდი. როგორი გამწარებული უნდა იყოს ადამიანი რაღაცით, რომ ასეთი საშინელება დაწეროს“, – განაცხადა ჯორჯუა.

© ვითარება

შესაქლოა, როლან გაროსზე...

მსოფლიოს პირველმა ჩოგანმა ნოვაკ ჯოკოვიჩმა, შესაძლოა, როლან გაროსზეც ვერ ითამაშოს, რადგან ტურნირში მონაწილე ჩოგბურთელებს ვაქცინაციის სერთიფიკატი დასჭირდებათ.

ამის შესახებ საფრანგეთის სპორტის მინისტრმა როქსანა მარასინიანუმ განაცხადა: „ვაქცინაცია საჭირო იქნება ყველასთვის – გულშემატკივრებისთვის, სპორტსმენებისთვის, პროფესიონალებისთვის, არაპროფესიონალებისთვის, ფრანგებისთვის და უცხოელებისთვისაც“, – თქვა მან.

ამრიგად, დიდი შანსია, რომ სერბმა ავსტრალიის ლია პირველობის შემდეგ კიდევ ერთი დიდი სლემის ტურნირი გამოტოვოს.

აქვე გეტყვით, რომ ნოვაკ ჯოკოვიჩს როლან გაროსი კარიერაში ორჯერ – 2016 და 2021 წლებში აქვს მოგებული, მთლიანობაში კი მის ანგარიშზე დიდი სლემის 20 ტიტულია.



© დანაკარგი

ჰენტოს ნავილა

89 წლის ასაკში გარდაიცვალა მადრიდის „რეალის“ ლეგენდარული ფეხბურთელი ზრანსისკო ჰენტი.



ესპანელი მადრიდულ კლუბში 1953-71 წლებში თამაშობდა. საერთო ჯამში მან 600 მატჩი ჩაატარა და 182 გოლი გაიტანა.


ჰენტი ერთადერთი ფეხბურთელია ისტორიაში, ვინც ექვსჯერ მოიპოვა ევროპის ჩემპიონთა თასი. ასევე მადრიდის „რეალში“ ის 12-ჯერ გახდა ესპანეთის ჩემპიონი, ორჯერ მოიგო ესპანეთის თასი, 1960 წელს კი საკონტინენტთაშორისო თასს დაეუფლა.

ჰენტოს „რეალთან“ ერთად 23 ტიტული აქვს მოგებული, რაც საკლუბო რეკორდია, ნაკრებში კი 43 მატჩი ჩაატარა. გასულ კვირას მას ამ მაჩვენებლით ბრაზილიელი მცველი მარსელო დაენია.

სულთათა

სიჭყალონიერი ჟურნალისტი

ვილენ მარდალაიშვილის არდავიწყება



გულდასაწყვეტი ამბავი შევიტყვევთ – ჟურნალისტი, მწერალი, გულმართალ და სამშობლოს მოყვარულ გულქართლ ადამიანთა რიგებს ერთი სასახლო კაცი დააკლდა, აღარ არის ვილენ მარდალაიშვილი – დამსახურებული ჟურნალისტი, მწერალი, გამორჩეული თავისი ორიგინალური წერისა და ცხოვრების სტილით, ალღომართლობითა და დარდიმანდობით. იგი ნახევარ საუკუნეზე მეტსანს ემსახურა თავისი კალმით არჩეულ, ბევრჯერ დაუფასებულ, მაგრამ მისთვის ღვთიანობაში ნიჭით გაცისკროვნებულ საქმეს.

ვილენი მართლაც კოლორიტი იყო ჟურნალისტი საძმოსი. დამწყები ჟურნალისტიდან ღვანდობის მოკალმემდე ყველა იცნობდა. გამომცემლობა „სამშობლოში“ „საქართველოს რესპუბლიკის“ რედაქციის მის ოთახში სწირად იკრიბებოდნენ ისეთი ღირსეული ადამიანები, ვილენის მეგობრები, რომ მათი საუბრის მოსმენა, მართლაც ცხოვრებისეული აკადემია გახლდათ – შოთა მშინაიძე, ზაურ ბოლქვაძე, თენგიზ არჩვაძე, კახი კავსაძე, ზურა ქაფიანიძე, ვაჟა აზარაშვილი და მრავალი სხვა. დანარჩენს თავადვე სტუმრობდა – „რედაქციიდან გაწახვება“ – ეს მისი იუმორით შეზავებული საფორმო სიტყვა გახლდათ. სწორედ ამ ბუმბერაზ ადამიანებთან, ქართული მწერლობის კორიფეებთან, გამორჩეულ ხელოვანთა და სპორტსმენთა გულდასაწყვეტი და მოფერების აკინძვაც მოახერხა, წლების მანძილზე გაზეთ „კომუ-

ნისტა“ თუ „საქართველოს რესპუბლიკაში“ გამოქვეყნებული წერილები, ნოველები, სახელდასახლო ექსპრომტები, ტექსტები შეკრიბა და შესანიშნავ წიგნად აქცია – „რაცა ვარ, ეგა ვარ“

მანამდე კი, კომუნისტურ ხანაში გამოცემული წიგნისა და ჟურნალისტური მოღვაწეობისთვის ერთ-ერთ პირველს ჩვენი კოლეგებიდან მიენიჭა სახელმწიფო პრემია, შემდგომ ღირსების ორდენი, მრავალი სიგელი და პრემიები, მაგრამ მისთვის ყველაზე საამაყო იყო თავისი მაღლაკელი ბაბუა ვლადიმერ მარდალაიშვილი, რომელმაც ზეპირად იცოდა „ვეფხისტყაოსანი“, მამა – ვენედიქტე მარდალაიშვილი, რომელმაც სიმართლე, შრომისმოყვარეობა ასწავლა; დიდი კონსტანტინე გამსახურდია, რომელიც „მართალი შვილს“ ეძახდა, მერაბ კოსტავა, რომელიც „ჩემო მაღლაკელი ძმავო“ – ეფერებოდა. ერთ მოსმენად ღირდა ცნობილი პოეტისა და ჩვენი კოლეგის შოთა ხოდაშენლის, თბილისის კოლორიტის, ცნობილი წამალმცოდნის სოკრატ სალუქვაძისა და ჩვენი „ვენევიჩის“ (როგორც სიყვარულით ვეძახდით ვილენს) „ვეფხისტყაოსნური“ შეჯიბრებები – უკვდავი პოემის ზეპირად ცოდნა და ნებისმიერი ადგილიდან მისი სტროფების გაგრძელება.

მის ცოდნას, ნიჭსა და მეგობრობას პატივს სცემდნენ არა მარტო თანამშრომლები, კოლეგები და ახლობლები, არამედ ყველა, ვინც მისი გვარსახელი გაზეთიდან იცოდა. ეფერებოდნენ ვერისუბანში, სადაც მისი მოღვაწეობის ათობით წელმა განვლო.

შესანიშნავმა მოქართულემ, ქართული სუფრისა და ტრადიციების ერთგულმა და ცხოვრებაში ლამაზად გამტარებელმა ახალგაზრდობიდანვე ცნობილი თამაშების რიგში დაიკავა ადგილი. ამიტომაც იყო ნებისმიერი სტუმრისთვის, მის ოთახში რომ ყოველთვის პატარა სუფრა იშლებოდა. გასაკვირიც არ იყო, რომ თბილისის ცნობილი კოლორიტი, მწერალი და ჟურნალისტი გურამ (კოია) გომართელი, რომელიც თავისი გულსამორჩევითობითა და მეგობრობის მკაცრი კანონების დამცველი წლებით ერთ ოთახში ემსახურებოდნენ თავიანთ საყვარელ საქმესა და ერთმანეთის განუყრელ მეგობრებად ითვლებოდნენ.

ოჯახი მისი საფიცარი სატი იყო და აფორი-აქებული ცხოვრების რიტმის შემდეგ მშვიდი ნავსაყუდარი. „რამდენს მიძლებს წერეთლის ქალი“ იტყვოდა სიცოცხლის თავის მფუღლეზე, ხარობდა თავისი ორი ვაჟითა და შვილიშვილებით, რომლებიც მისი ყველაზე მეტი დამამშვიდელები და მომფერებლები იყვნენ.

„დამთავრდა მისი ბოლოქარი ცხოვრება“ – ჩაილაპარაკა ჩვენმა ერთმა კოლეგამ, როდესაც ვილენის გარდაცვალების ამბავი შევიტყვევთ. ეს კი „ნათლისღება დღეს“ იყო.

მშვიდობით ჩვენო საყვარელო, უნიჭიერესო მეგობარო, იქ დიდი ზეციური საქართველო გელოდება, აქ შენი ნიჭის თავყვანისმცემლები ვრჩებით და გემშვიდობებით.

მეგობრები რედაქციიდან

პანაშვიდი 17 საათიდან. დაკრძალვა შაბათს, 22 იანვარს 14 საათზე; მისამართი: ბ. ლორთქიფანიძის (ყოფილი ლერმონტოვის) ქ. №15 (სოლოლაკი).

სათელი

რევაზ ივანეს ძე მარხოშვილი



არასამთავრობო კავშირი „ფშავის აღორძინება-განვითარება“ ღრმა მწუხარებით იუნყება, რომ გარდაიცვალა მისი ნწერი, ქიმიკოსი, ქიმიის მეცნიერებათა დოქტორი, პროფესორი, სახელმწიფო პრემიის ლაურეატი რევაზ ივანეს ძე მარხოშვილი.

რევაზ მარხოშვილი დაიბადა 1939 წელს დუშეთის რ-ის სოფ. მიგრიულში. ქიმიკოსი, ქიმიის მეცნიერებათა დოქტორი (1985), პროფესორი (1988), სახელმწიფო პრემიის ლაურეატი (1998). ბარისახოს სკოლა-ინტერნატის დამთავრების (1958) შემდეგ სწავლა გააგრძელა თსუ-ს ქიმიის ფაკულტეტზე (1959), რომელიც 1964 წელს დაასრულა.

1966-68 წლებში მუშაობდა საქართველოს მეცნიერებათა აკადემიის ინსტიტუტში, ხოლო 1968-87 წლებში სსრკ მეცნიერებათა აკადემიის ზოგადი და არაორგანული ქიმიის ინსტიტუტის კომპლექსურთა ქიმიურ ლაბორატორიაში (მოსკოვი), სადაც დაიცვა საკანდიდატო (1970) და სადოქტორო (1985) დისერტაცია. ოცი წელი ხელმძღვანელობდა თბილისის პედაგოგიური ინსტიტუტის ქიმიის კათედრასა და მის მიერვე დაარსებულ ქიმიის სამეცნიერო-კვლევით ლაბორატორიას (1987-2007).

მისი უშუალო ხელმძღვანელობით შესრულებული და დაცულია 23 საკანდიდატო დისერტაცია. გამოქვეყნებული აქვს 267 სამეცნიერო სტატია, რამდენიმე მონოგრაფია და სახელმძღვანელო.

ნათია თურნაძე: საქართველო გახდება ფინანსური ცენტრი, ფინანსური კაპი.

„სწორედ აქეთვე იყო მიმართული პრემიერ-მინისტრის ინიციატივა. მან დავალება ჯერ კიდევ, გასული წლის ბოლოს გასცა. ჩვენ ვიმუშავეთ, დავამუშავეთ სხვადასხვა ქვეყნის მაგალითი და განსაკუთრებით საინტერესოა არაბთა გაერთიანებულ სამხრეთში არსებული ორი ფინანსური ზონა – დუბაის ფინანსური ცენტრი და ბუ-დაბის სუვერენული ფინანსური ზონა, საიდანაც ძალიან ბევრი საინტერესო რამ შეიძლება, ჩვენთანაც იყოს გაზიარებული. მაგალითად, თუნდაც, ორიენტაცია უახლეს ციფრულ ტექნოლოგიებზე საფინანსო სექტორში. აი, სწორედ ამ მიმართულებით ვიმუშავეთ“, – აღნიშნა ეკონომიკისა და მდგრადი განვითარების მინისტრმა ნათია თურნაძემ. მისივე თქმით, ამ ინიციატივის განხორციელებით, საქართველო რეგიონში ფინანსური მიზიდულობის ცენტრად გარდაიქმნება, რომელიც ახალი ტიპის ბიზნესებისთვის გაიხსნება, რაც ახალ ინვესტიციებსა და სამუშაო ადგილებს ნიშნავს.



ქუთაისის საერთაშორისო აეროპორტი სარტიფიკირებულია

ქუთაისის დავით აღმაშენებლის სახელობის აეროპორტმა აეროდრომის მიმართულებით რესერტიფიცირება წარმატებით გაიარა. აეროპორტების გაერთიანების ცნობით, საქართველოში მოქმედი ყველა საერთაშორისო თუ ადგილობრივი აეროპორტებიდან ქუთაისის აეროპორტი არის პირველი, რომელმაც სერტიფიკატი მიიღო. სამოქალაქო ავიაციის სააგენტო აეროპორტებისა და აეროდრომების განახლებული დადგენილების თანახმად, აეროპორტის ექსპლუატანტების სერტიფიცირებას წ ეტაპად ასორციელებს. ყველა ეტაპი, ქუთაისის აეროპორტის ოპერატორმა კომპანია – საქართველოს აეროპორტების გაერთიანებამ წარმატებით გაიარა.

საქართველოს აეროპორტების გაერთიანების დირექტორის თამარ არჩუაძის განცხადებით, სამივე საერთაშორისო აეროპორტიდან, ქუთაისის აეროპორტი იყო პირველი, რომელმაც სააეროდრომო სახელმძღვანელოები და მასთან დაკავშირებული სხვა პროცედურები სამოქალაქო ავიაციის სააგენტოს სერტიფიკირების წესის შესაბამისობაში მოიყვანა.

2021 წელს ქვეყნის 173 ტონა ქართული თაფლი გაიყვანა

2021 წელს სხვადასხვა ბაზარზე 173 ტონა ქართული თაფლი გაიყვანა, მათ შორის 143 ტონა ვერობის ქვეყნებშია ექსპორტირებული, – ამის შესახებ ინფორმაციას გარემოს დაცვისა და სოფლის მეურნეობის სამინისტრო ავრცელებს. უწყების ცნობით, ექსპორტირებული თაფლის ღირებულებამ, ჯამურად, 657 ათასი აშშ დოლარი შეადგინა. ექსპორტის ღირებულების ზრდა, წინა წლის ანალოგიურ პერიოდთან შედარებით, 436%-ია, მოცულობის კი, 696%. საქართველოდან ევროკავშირის ბაზარზე თაფლის ექსპორტი ნებადართულია 2016 წლიდან, – აღნიშნულია ინფორმაციაში.

ი. ჟორდანიას და ა. ხომასურიძის რეკონსტრუქციის ინსტიტუტი აბრძალავს მუშაობას მისამართზე – თბილისი მღვდლის, 13 ა. VII სართული. ტელ. 224 00 99; 224 00 98. გალი ბაიხსნება ქირურგიული და ინ ვიტრო განყოფილებაში. გისურვებთ ჯანმრთელობას!

ყოველგვარი რეკლამა გაზეთის კაპრივით სჭირდება!
განათავსეთ რეკლამა ყველაზე საჭირო და სანდო გაზეთში და ამით ხელი შეუწყვეთ 103 წლის ყოველდღიური გამოცემის აღორძინებას. ჩვენი ანგარიში: №GE19TB7601536020100009. (შპს „ახალი საუკუნე“ – გაზეთ „საქართველოს რესპუბლიკის“ გამომცემელი).

ეპითიმა თაყაიშვილის პრემია „არტანუჯს“

საქართველოს მეცნიერებათა ეროვნული აკადემიის გადაწყვეტილებით ეპითიმა თაყაიშვილის სახელობის პრემია მიენიჭა „არტანუჯის“ გამომცემათა ციკლს: „ტაო-კლარჯეთი – ისტორიისა და კულტურის ძეგლები. კატალოგი“ და სამეცნიერო ნაშრომს „ტაო-კლარჯეთი – ისტორიულ-კულტურული ნარკვევი“ (ძართულ, ინგლისურ და თურქულ ენებზე).



„ტაო-კლარჯეთი – ისტორიისა და კულტურის ძეგლები. კატალოგი“

● გამოცემაში წარმოდგენილია ტაო-კლარჯეთის მხარესთან დაკავშირებული უმდიდრესი ქართული კულტურული მემკვიდრეობა. კატალოგი შედგება შემდეგი თავებისაგან: ისტორიისა და კულტურის ძეგლები; ტაო-კლარჯეთთან დაკავშირებული ხელნაწერები და ისტორიული დოკუმენტები; ტაო-კლარჯეთთან დაკავშირებული ისტორიული პირები (ენციკლოპედიური ლექსიკონი); ისტორიული პუნქტების ცნობარი (თანამედროვე ადმინისტრაციული ერთეულების, პუნქტების ძველი და თანამედროვე სახელების მითითებით); ბიბლიოგრაფია.

● ისტორიულ ძეგლთა კატალოგში ცალ-ცალკეა წარმოდგენილი მონასტრების, ეკლესიებისა და ციხე-სიმაგრეების მონაცემები. მასალა დალაგებულია ისტორიული პროვინციების მიხედვით: სპერი, ტაო,

კლარჯეთი, შავშეთი, აჭარა (მაჭახლის ხეობა), ლაზეთი („ზღვისპირი“), კოლა, არტანუჯი, ერუშეთი, ჩრდილი, ჯავახეთი (ზემო ჯავახეთი), სამცხე (ფოცხოვის ხეობა).

● ნაშრომი განუთვნილია როგორც მეცნიერთა, ისე ტაო-კლარჯეთის მხარით დაგულისყურებული საზოგადოების ფართო წრისათვის.

● პროექტის სამეცნიერო ხელმძღვანელი და რედაქტორი – ბუბა კუდავა. ავტორ-შემდგენლები – ნესტან ბაგაური, ზურაბ ბატიაშვილი, ირმა ბერიძე, ბუბა კუდავა, ნიკოლოზ ჟღენტა, გოჩა საითიძე, ნათია ხიზანიშვილი.

„ტაო-კლარჯეთი – ისტორიულ-კულტურული ნარკვევი“

(ძართულ, ინგლისურ და თურქულ ენებზე)

● აღნიშნული გამოცემა ერთიანი საისტორიო ნარკვევია ტაო-კლარჯეთის შესახებ, რომელიც მოიცავს პერიოდებს უძვე-

ლესი დროიდან, ვიდრე თანამედროვე ეპოქამდე. გარდა ისტორიისა, წიგნში წარმოდგენილია თავები ტაო-კლარჯეთის მხარის კულტურის, ტრადიციული ყოფის, დღემდე დაცული ქართული ენისა და სხვათა შესახებ. თითოეული თავი გაფორმებულია შესაბამისი ილუსტრაციებით, სადაც აღბეჭდილია ტაო-კლარჯეთის იშვიათი გეოგრაფიული გარემო, არქიტექტურული ძეგლები, ადგილობრივთა ყოფა და ტიპაჟები.

● გამოცემა საეტაპო მნიშვნელობისაა როგორც კონკრეტული მხარით დაგულისყურებულ მეცნიერთათვის, ასევე ფართო საზოგადოებისა და ტურისტული ნაწილისთვის.

● ავტორები – ზურა ბატიაშვილი, ირმა ბერიძე, ნანა ბურჭულაძე, გიორგი გაგოშიძე, როზეტა გუჯეჯიანი, ბუბა კუდავა (რედაქტორი), ნიკოლოზ ჟღენტა, გოჩა საითიძე (რედაქტორი), ნათია ფონიავა, ნესტან ჩხიკვაძე, გიორგი ჭვიშვილი, ნათია ხიზანიშვილი.

ჩინილაკები ზოოპარკისთვის

თბილისის ზოოპარკი მოსახლეობას უკვე ტრადიციული თხოვნით მიმართავს და ბინადრებისთვის ჩინილაკების მიტანას სთხოვს. შესაბამისი განცხადება ზოოპარკის FACEBOOK-ზე გამოქვეყნდა.



„იქნებ გაგახსენდეთ, რომ ჩინილაკები ზოოპარკში გვჭირდება, ცხოველებისთვის. თუ ეჭვი შეგებარებათ, ამათაც მოსცლიათ, რა ჯანდაბად უნდათ ეს ჩინილაკები, ამ პოსტზე მიბმული ტექსტი გადაიკითხეთ და ფოტოებიც დაათვალიერეთ.“

თუ ჩათვლით, რომ გათვლილი ჯოხის დათვისთვის ჩუქებით ბარაქას მოიკლებთ,

არ მოგვიტანოთ. მერე ჩვენ არ დაგებრალდეს რამე. თუ გადაწყვეტთ, რომ კარგი საქმეა და ამით ცხოველებს დაეხმარებით, სხვებსაც გაუზიარეთ ეს ამბავი. მოკლედ, ამდენი იმიტომ ვწერეთ, რომ არ დაიზაროთ და ჩინილაკი გამოაყოლოთ ზოოპარკში, გმირთა მოედნისკენ რომ წამოხვალთ“...

„ენიგმა“ აუქციონზე იყიდება

აუქციონის სახლი Sotheby's მსოფლიოში ყველაზე დიდ შავ ბრილიანტს – „ენიგმას“ გაყიდის.



ძვირფასი ქვის წონა 555, 55 კარატია და მას 3-9 თებერვალს, დუბაიში გაყიდიან. Sotheby's-ში აზუსტებენ, რომ ბრილიანტის მოქმედმა მფლობელმა ის 1999 ან 2000 წელს შეიძინა და მისი ვინაობა არ საჯაროვდება. უცნობია ბრილიანტის წარმოშობაც. ერთ-ერთი ვერსიის მიხედვით „ენიგმა“ მეტეორიტის დაცემის შედეგად

წარმოიქმნა, თუმცა ზოგი მიიჩნევს, რომ ეს ალმასის ასტეროიდის ნაწილია, რომელიც დედამიწას შეეჯახა. დაუმუშავებელი ქვის წონა 800 კარატს შეადგენდა. „ენიგმას“ დამუშავებას რამდენიმე წელი დასჭირდა და იმის მიუხედავად, რომ ქვის ზომა შემცირდა, ის მსოფლიოში უმსხვილეს ბრილიანტად რჩება. ამასთან, „ენიგმას“ აუქციონზე სარეზერვო ფასის გარეშე გაიტანენ: მას ის შეიძენს, ვინც ყველაზე მაღალ ფასს შესთავაზებს. აუქციონზე გადახდა კრიპტოვალუტითაც იქნება შესაძლებელი.

მაღამ ტიუსოს მუზეუმის ახალი ბინადარი პოლიტიკოსები



ნიუ-იორკში მაღამ ტიუსოს მუზეუმმა აშშ-ის პრეზიდენტის, ჯო ბაიდენისა და ვიცე-პრეზიდენტის, კამალა ჰარისის ცვილის ფიგურები წარადგინა.

ორივე პოლიტიკოსის ჩაცმულობა 2021 წლის იანვარში გამართული ინაუგურაციის მიხედვით არის განმეორებული. აღსანიშნავია, რომ კამალა ჰარისის პირველი ვიცე-პრეზიდენტია, რომლის ცვილის ფიგურაც მაღამ ტიუსოს მუზეუმმა შექმნა. თითოეულ ფიგურაზე მუშაობა 6 თვე გაგრძელდა. ფიგურები მუზეუმის ოვალურ კაბინეტშია წარმოდგენილი.

დედოფლის ხანგრძლივი ცხოვრების სიღუმელოება

დიდი ბრიტანეთის მონარქი 95 წლის ასაკში სრულფასოვნად ასრულებს დედოფლის ფუნქციებსა და მოვალეობებს და ინარჩუნებს აქტიურობას, ამას კი რამდენიმე მეთოდით ახერხებს.

როგორც ცნობილი გახდა, დედოფალი უპირატესობას მართავს სადილებსა და ვახშმებს ანიჭებს. მისი ყოფილი მზარეული ამბობს, რომ დედოფალი თევზსა და ხორცს მხოლოდ ბოსტნეულის გარეშე ერთად მიირთმევს. დედოფალი ცდილობს, არ მიიღოს ნახშირწყლები, ისეთები როგორცაა კარტოფილი და მაკარონი, ამას კი განსაკუთრებით საღამოობით აკონტროლებს.

კიდევ ერთი საიდუმლო ოთხჯერადი კვებაა, სრულფასოვანი საუზმე, სადილი, სადილის შემდგომი ჩაი და ვახშამი... და ეს ყოველდღიურად ერთსა და იმავე საათზე. ამასთანავე, დედოფალი რეგულარულად მიმართავს ფიზიკურ ვარჯიშებს. მიუხედავად იმისა, რომ



ელისაბედ მეორე არასდროს ყოფილა ფიტნესის თავყანისმცემელი, ის ყოველდღიურად ასრულებს გარკვეულ ვარჯიშებს. სრულფასოვანი ძილისთვის კი ის ყოველ დღე ერთსა და იმავე დროს იძინებს, დაწოლამდე სვამს ერთ ჭიქა შამპანურს, შემდეგ ლოგინში კითხულობს და 23:00 საათზე იძინებს. დილით კი 07:30-ზე იღვიძებს.

საქართველოს რესპუბლიკა
SAKARTVELOS REPUBLIKA
 ვაშა ფშაველას №48
 ტელ: 239-03-43

მთავარი რედაქტორი
სპარტაკ ძოგულია
 599 36-00-35

პასუხისმგებელი რედაქტორები:
ბურამ გომიაშვილი
 599 53-76-16;
ალექო ასლანიშვილი
 599 56-81-86;

პასუხისმგებელი მდივანი
მამუკა ვაშაქიძე
 514 33-33-24

გამომცემლობა:
 შპს „ახალი საუკუნე – გაზეთი“ საქართველოს რესპუბლიკის“ გამომცემელი“
 599 53-76-16; 599 36-00-35
 შპს „თანადგომა-1-გაზეთი“ საქართველოს რესპუბლიკის“ გამომცემელი“
 ტ: 599 79-76-79
 იბეჭდება სტამბა „კოლორი“
 ე. ბაღდავაძის №3

კოლორი
 ჰაუფი

uac(უაკ)070.4(479.22) ს-323

2 009882 616932

ავტორთა საყურადღებოდ!
 რედაქციის მიერ შეუქმნათვი მასალაში დანიშნულია ავტორთა ხარჯით. ავტორთა მოსაზრებები, შეხატალება, მუდამ არ ემთხვეოდეს რედაქციის პოზიციას. ფაქტების სიზუსტეზე პასუხს ატვირთავს ავტორი.

გაზეთის მომავალი ნომერი გამოვა ხვალ, 21 იანვარს

სრ	უსსოპრი ვალუტის კურსი: აშშ დოლარი - 3.0840; ევრო - 3.5130; ბრიტანული პირანა სტერლინგი - 4.1992; 100 რუბლი - 4.0371; თურქული ლირა - 0.2271; აზერბაიჯანული მანათი - 1.8168; 1000 სომხური დრამი - 6.4082.	აიონი 20 იანვრისთვის აკროპოლიტი საქართველო: ბარბი - ლაშქ -7, ლეი +3 მთიანი რაიონები - ლაშქ -11, ლეი +1 დასავლეთი საქართველო: ბარბი - ლაშქ -4, ლეი +5 მთიანი რაიონები - ლაშქ -8, ლეი +1 თბილისი: ლაშქ -2, ლეი +3	დაბეირაკაძე, მოგვინაკაძე: ტელ: 296-72-86, 599-79-76-79, 568-82-09-84 ელ. ფოსტა: sakresp@mail.ru და sakresp@top.ge ვებ-გვერდი: www.sakresp.ge
----	--	---	--